

古方彙精
下



古方彙精卷三目錄

婦科門

益母丸 一

歸神湯 二

八珍養血丸 三

歸脾丸 四

一味生新飲 五

一味厭紅散 六

種玉酒 七

蕎脂丸 八

一味利關散 九

一味歸經飲 十

探胎飲 十一

泰山磐石散 十二

千金保孕丸 十三

護胎飲 十四



安胎飲 十五

銀芎酒 十六

益母地黃湯 十七

束胎丸 十八

芎歸補中湯 十九

保安煎 二十

固元飲 二十一

一味通瘀飲 二十二

疎解散 二十三

正氣飲 二十四

祛邪化滯煎 二十五

疎風利陰煎 二十六

萬應無憂散 二十七

紫炁丹 二十八

佛手散 二十九

當歸芍藥湯 三十

加味芎歸湯 三十一

仙傳通津救命至靈丹 三十二



平胃散

附方三三

陽和生化湯

三四

紫霞丹

附方三五

養營惜紅煎

附方三六一

華陀愈風散

附方三七

邪滯雙解散

三八

快脾飲

三九

當歸補血湯

四十

通脉湯

附方四一

吹乳飲

四二

開鬱流氣散

四三

益血和中散

四四

托裏散

四五

附治妊娠小便不通方

附治產後陰翻方

附治產後陰腫方

附治子腸不收方

附治產後肉線下垂方



附
治乳脹不回方

附
治乳懸怪症方

升乳膏
四正

開乳膏
四三

散乳膏
四二

乳乳膏
四一

華乳膏
四一

榮乳膏
四一

李乳膏
四一

升乳膏
四正

開乳膏
四三

散乳膏
四二

乳乳膏
四一

華乳膏
四一

榮乳膏
四一

李乳膏
四一



古方彙精卷三

婦科門

婦人之症。與男子同。而有不同者。立天之道。曰陰與陽。立地之道。曰柔與剛。婦人之不同於男子者。陰柔其性也。人之一身。氣運乎血。血麗乎氣。而婦人尤以血爲先天之本。血於婦人。由水之行地中。自二七而天癸至。榮華貫乎百脉。而疾病亦莫不由之。自行經而孕育。而胎前。而產後。症有主有客。而總以調和氣血爲主。氣血調。經脉和。腠理固。病何從生。體此以製



方百不失一矣。彼悞任攻伐者。在柔脆之質。爲禍尤烈。往往有陰罹其慘。而不悟者。良可哀也。輯婦科

益母丸

治婦人赤白帶下。惡露淋漓不止。及胎前產後諸症。

益母草

方梗對節生葉。葉類火麻。四五月間。開紫花。是白花非。

於五月間。採取晒乾。連根莖葉。勿犯鐵器。磨爲細末。

煉蜜丸。如彈子大。每服一丸。用熱酒和童便化下。若

臨產時。倉卒未合。只用生益母草。搗汁。入蜜少許。服

之。其效甚大。或用砂鍋。文武火。熬成膏。如黑沙糖色。

入磁罐收貯。每服二三匙。或酒或童便調下。亦妙。

歸神湯 二

治婦人夢交盜汗。心神恍惚。四肢乏力。飲食少進諸症。

黨參

二錢

白

術

半一錢

白茯苓

歸身

各一錢

炒棗仁

陳

皮

各八分

甘草

五分

圓眼肉

七枚

羚羊角

琥

珀

各研末五分

右羚羊角、琥珀二味不煎。餘藥煎熟去渣。入二末和

勻。食前服。

八珍養血丸

三

治月候不調。赤白帶下。皮寒骨熱。肢體倦怠。並一切崩淋乾血等症。

上炙芪

大生地

白

術

丹

參

各三兩

當歸

陳阿膠

茯

神

雲茯苓



白芍 各二兩 五錢 遠志 八錢 川芎 一兩 炙草 五錢

各取末。杜仲十兩燉膏。和煉蜜爲丸。每服四錢。淡酒下。如症勢重者。早三錢。薑湯下。晚二錢。淡酒下。

加味歸脾丸

四

治脾不統血。以致妄行。並心悸怔忡。骨口不調。飲食不香。陰虛寒熱。以及產後失調。經行乖舛諸症。

黨參

黃芪 炙

白朮 炒

雲苓

炒棗仁

各二兩

遠志

當歸

各二兩

廣木香

煨

炙草

各五錢

柴胡

八錢

麥冬

一兩五錢去心糯米拌炒

各取末。用桂圓肉四兩煎汁。小紅棗六兩去皮核。煮

爛和丸。每服二錢。早服。鍋焦粉湯下。晚服。淡酒下。

一味生新飲

五錢

治乾血癆症

全當歸

五錢
酒洗

水酒各半。濃煎。分早晚服。半月取效。前症由於先天

不足。兼之七情所傷。照方服。加服養血丸。

見前
三號

兼進

八珍湯。

見內症
十三

加陳阿膠

二錢

製杜仲

一錢
五分

湯丸並進。

可以漸愈。慎勿輕用通經逐瘀。如桃仁代赭之類。恐

致崩下暈脫。不可救藥也。

一味厭紅散

六錢

治血崩不止

陳

棕

三錢燒灰存性

陳酒調下。前症由氣不攝血。照方服。加用補中湯。

症十號

八珍湯。

見內症十三

相間投之。俱用陳棕灰

五為引。

兼服歸脾丸。

見前四號

可以漸愈。

種玉酒

七

治婦女經水不調。氣血乖和。不能受孕。或生過一胎。停隔多年。服此藥酒百日。即能懷孕。如氣血不足。經滯痰凝者。服至半年。無不見效。受胎後。加服泰山磐石散。見後十號。保護胎元。

全當歸

五兩切片。此能行血養血。

遠志肉

五兩用甘草湯洗。此能散血中之滯。行氣消痰。

右二味。用稀夏布袋盛之。以甜三白酒十觔浸之。七



日爲度。每晚隨量溫飲之。慎勿間斷。服完照方再製。再於每月經期。加用青殼鴨蛋。以針刺孔七個。用斬艾五分。水一碗。將蛋安於艾水碗內。飯鍋上蒸熟食之。多則五六個。少則二三個。尤妙。

蕎麥丸

八

凡閨女在室行經。並無疼痛。及出嫁後。忽患痛經。漸至滋蔓。服藥罔效。此乃少年新婚。男女不知禁忌。或經將來時。或行經未淨。遂爾交媾。震動血海之絡。損及衝任。以致瘀滯凝結。每致行經。斷難流暢。是以作疼。名曰逆經。痛患此難以受孕。醫不明此。猜寒猜熱。論虛論寔。混治無效。惟投以此方。多神應。痛止經調。俱得產育。

蕎麥

五升。淘去灰。曬燥。磨篩去粗皮。取淨麵。聽用。蕎麥補衝任脈絡。且兼化瘀滯。

書邊臙脂

二兩此係蘇木茜草紅花佐以烏梅煎染綿蠶而成取其溫潤之氣威而不猛

右將書邊臙脂煎濃汁搗和蕎麥淨麵爲丸如桐子

大每早服五錢開水下忌食猪肝羊血糟醋

一味利關散

九

治赤白沙淋諸症

真赤茯苓五錢爲末空心豆腐漿調下

一味歸經飲

十

治月經逆上出於口鼻

韭汁一小杯和童便溫服吐血咯血昏暈等症服

此方亦能取效

探胎飲

十一

婦人經水不來三月疑似用此驗之



川芎

不俱多少為末不見火

空心煎艾湯調下五分。覺腹中動。則有胎也。臍之下

血動者。乃血痕也。不動者。血凝也。病也。

泰山磐石散

十二

治婦人氣血兩虛。或肥而不實。或瘦而血熱。或肝脾素虧。倦怠少食。屢有墮胎之患。此方和平。兼養脾胃氣血。覺有熱者。倍黃芩。少用砂仁。覺胃弱者。多用砂仁。少加黃芩。更宜戒惱怒慾事。屏酒醋辛熱之物。可保無墮。

黨參

焙

糯米

各三錢

黃芪

蜜炙

川斷

斷

黃芩

各一錢

川芎

甘草

蜜炙

砂仁

研各

五分

白芍

酒炒

熟地

各八分

白朮

土炒

二錢



白水煎服。但覺有孕。隔三五日。常用一服。過四個月。方保無虞。其藥楂可傾入河池內。與魚食之。以有糯米故也。

千金保孕丸 十三

治妊婦腰背痛。慣墮胎。服此可免半產之患。

川續斷

二兩 酒拌炒

厚杜仲

四兩 切片用白糯米炒斷絲

右共爲末。以山藥四兩糊丸。如桐子大。每服八九十丸。用米湯空心送下。戒惱怒。忌食酒醋。猪肝發火等物。

徐東舉曰。婦女凡懷胎兩三月。慣會墮落。名曰小產。



此由體弱。氣血兩虛。臟腑火多。血分受熱所致。醫家
安胎。又多用艾附砂仁。熱補之劑。是速其墮矣。殊不
知血氣清和。無火煎燥。則胎自安。大抵氣虛。則提攝
不住。血熱則濫溢妄行。欲其不墮。得乎香附。雖云快
氣開鬱。多用則損正氣。砂仁快脾。多用亦耗真氣。况
香燥之性。氣血兩傷。求以安胎。適以損胎也。惟泰山
磐石散。千金保孕丸。能奪化工之妙。百發百中。萬無
一失。

護胎飲

十四

治經虛漏胎。

川芎 六分 歸身 炒白芍 雲苓 各一錢

上黨參 蜜炙 大生地 炙各三錢 焦白朮 製杜仲

川續斷 各二錢五分 炙草 五分 丹皮 八分 淮岳 一錢

薑皮 一分 南棗 二枚

懷孕二三月。忽然腹痛下血。如欲小產。照服一二劑。

可以固氣安胎。縱然小產。亦能平善。勿易視之。

安胎飲 十五 妊娠五七個月。用數服可保全產。

黨參 白朮 當歸 熟地

川芎 白芍 陳皮 炙甘草

